

محفصل


ذمی القعه
۳۳۸

علمی، ادبی، اجتماعی و شهری مجموعه در .
صاحبی، مدیری، تحریری: طاهر



اداره خانه سی:

باب خارده
(یکی نورکیه)
مطبعه سی فوقه ده کی
دائرة خاموسه



مرکز توزیعی:

باب عالی خارده سنده
(اتحاد تیوارت)
تبخانه سی ایچ
(یکی نورکیه)
مطبعه سی



استراشرا اعلی: هرسته ملک برنجی وایکچی آلی آلفندن اعتباراً
اولونو. یازانک شخصی دکی، یازانک ماهوی
اولوق اوزره پوسته اجریتله برابر (۱۰۰)، آلی آلی (۵۰)
غروشدور. محاکک اجنبیه اچین ۵۰ و ۳۰ غروش علاوه سی لازمدور.

نمبر برشرا اعلی: ملکه نغمه نادم یازیلر مع الشکر قبول و نشر
اولونو. یازانک شخصی دکی، یازانک ماهوی
اولوق اوزره پوسته اجریتله برابر (۱۰۰)، آلی آلی (۵۰)
غروشدور. محاکک اجنبیه اچین ۵۰ و ۳۰ غروش علاوه سی لازمدور.

نک یکن سه لره عائد و یک چوق معلومات مفیده بی حاوی اولان نسخه لری منتظماً دیکیلمش
واوزره دلربنه قالین برز قایاق کچیریلرک مجلد کتاب حالته کتیر یاشدر. خیرالایس اولایله جک
بونفیس کتابلردن برنجینک موجودی بتمش، ۸-۱۲ نجی نسخه لری براکنده اولارق قالمشدر.
بهر نسخه سی ۱۰ غروشدور. ۴،۳،۲ و ۵ نجی جلدلرک بلی پوسته اجریتله برابر یوزر غروشدور.
طوغروندن طوغرویه اداره خانه یه داخلدن ۳۰۰، خارجدن ۳۵۰ غروش کونده ریلدیکی سورنده هر دوت جلدی یوللانیور.

محفصل
مجموعه سی

زید بن اسلم

عبدالله بن عمر كوله سیدر. وفاتی ۱۳۶ هـ در.

محمد بن كعب القرظی

ابوهریره ایله فضاله بن عبیددن روایت ایله مشدر.
مسجدده حدیث او قوتورکن طاوانك چو کهسی
اوزه رینه جماعتیله برابر ۹۰ تاریخنده وفات ایتمشدر.

مُرّة الهمدانی

عمر، ابوذر وابن مسعوددن روایت ایله مش،
کنندیسندن ده اسلم کوفی، سدی کبیر، عطاء بن
سائب روایتده بولونمشدر. کثرت سجودندن آلنده
ایزله پیدا اولمشدی. ۹۰ سنه سنده ارتحال ایتمشدر.
عطاء بن ابی رباح، قتاده بن دعامة، ضحاک

بن مزاحم، عطیة العوفی

بونلرک ذکرى طرق ابن عباسک بیانی
صیراسنده کچمشدر.

ابن سیرین

فقه، تفسیر، حدیث و تعبیر رؤیاده مشهور
وشایان اعتماددر. ۱۲۰ سنه سنده ارتحال ایله مشدر.

حسن بصری

کبار تابعیندن و مشاهیر صلحا و واعظیندن
اولوب ۱۳۰ تاریخنده ۹۸ یاشنده وفات ایتمشدر.

ربیع بن انس

بصره لیدر. ابن عمر، انس بن مالک، وجابر
کبی صحابه دن استفاده ایتمش، حجاج زماننده اختفا
و ابو جعفر المنصور دورنده، ۱۳۶ تاریخنده ارتحال
ایله مشدر.

عبدالله بن نجیم المکی

مجاهدک صحبت علمییه سنده بولونمش اجله

مقریبنددن اولوب ۱۳۱ ده انتقال ایتمشدر.

عمرو بن عبید

۸۰ تاریخنده طوغوب ۱۴۴ ده وفات ایدن
و (ابو عثمان الزاهد) دینمکه معروف اولان بوذاتک
تصنیفات عدیده و خطب و رسائل کثیره سی و حسن
بصریدن روایت ایله دیکی بر تفسیری و (قدریه) بی
رد خصوصنده پک مهم اثرلری واردر که شایان
استفاده در.

النبیات فاکولت سی تفسیر و تاریخ تفسیر
مدرسی بر نمولی

مهرت

علم خیال

(۵)

هر آینه، هر شیئی بولوندینی حال و حقیقتده
کوستره مز. بر چوق آینه لر، قارشیسنده کی
بر جسمی چیرکین و چارپیق کوستریر. خیالده
بویله در. خیال، حقیقتک اک یاقین برواسطه سی
اولدینی حالده اکامین برواسطه سی عد ایدیلیمه لی.
اک قبا و اک فناشیلری نظر مزده کوزهل لشدیره بیلدیکی
کبی، اک کوزهل شیلری ده چیرکینلشدیره بیلیر.
اودت، بعض کره ناقابل انکار اولان حقیقتلره ده
بزی مسلط ایده بیلیر. بونکله برابر خیال
اولماسه بیدی، انسان مادیاته میخلانیر قالیردی.
النسانی مادیاتدن قورتاران، روحی، مادیاتدن
قوپاروب آلان و بویکی عالم آراسنده کی بوشلقلری
دولدیران خیالدر. یالکر بوقوتی قوللانمق ایستر.
شیخ اکبر فتوحاتنده:

[هرکسک خیالنه اعتبار یوقدر. عوام ناس
ظن ایدرلرکه: خیالنه کلن هرشی، بر شی مادی
وبر امر وجودیدر، حال بوکه بر امر عدمی در.
مشاهده خیالیه، ماده نک معنایه کیفیت تعلقی

اشبو فرق باطنیه‌ی صوفیه عدادینه ادخال ایتک
واوکا کوره بلاتدقیق سوفسطائی برطاقیم محاکمه‌لر
یوروتک کناهدر . علماء باللهک بونلردن نه قدر
آجیقلی شکایتلرده بولونمش اولدقلرندن آیریجه بحث
ایدیله جکدر .

بوراده شوراسنی ده علاوه بحث ایتکه احتیاج
وارددرکه : عیجا صوفیه حکمتک بو کونکی بازار
معارفده تشهره لایق مشاهدات خیالیه‌سی وارمیدر ؟
بر جوقلری ظن و تخمین ایدیورلرکه : صوفیه‌نک
مستحصلات علمییه‌سی ، معارف عصریه‌مزنک
تدقیقات فلسفیه‌سیله صوک نفسنی بولمش اولان
بر قسم فلاسفه یونان ایله ، هندستان مصطفی
عرفاندن فیرلامش بولونان صوفیه آرتیق لریدر .

خیر . . افندیار ! بو بروهمدر . بومسئله ، چوق
دکل ، حقیقی کورن بر قاج کوزک تدقیقی آلتنده
بر آرز تقبعات اجرا ایتمکه ، نه کرانها ماللریمز
اولدینی ، بشریت متفکره‌یه منبع الهام اوله‌جق
نه قدر پارلاق حقیقلمز بولوندینی ایر - کچ
آ کلاشیلاجق در .

تصوف دلالتلر قلمش زنکین بر تجارت
محزنی ، عصرلرجه سوپورکه کورمه‌مش بر
کتبخانه‌در . بو کتبخانه ، یوزلرجه سنه‌لردنبری
أل دوکاندیرلما دینی حالدده آلآن طراوتی محافظه
ایدن حقیقترلرله لبالب دولودر . بالکرتیمزله‌مک ،
بر آرز سیلوب سوپورمک ایستر . اوده ، بو
حقیقترلری غرب محصولات علمییه‌سیله مواجهه
ایتدیرمک ایستر . غرب عالم معارفیله آراده
آشیلمایه‌جق داغلر ، کیلمه‌یه‌جک دهرلر ،
طیرمانه‌مایه‌جغمز تپلر یوقدر . حتی او قدر
یاقین درکه : اوافق بر آ کلاشما تجربه‌سی کفایت
ایدر . بن بونی : اوروپا فلسفه‌سنک تدقیقندن
حاصل ایتش اولدیم نتیجه اوزهرینه سویلیورم

تقدیره خدمت ایدن بر حساسیته استناد ایدر .
بو علمی آنجق اک یوکسک دوینغو صاحب‌لری
آ کلایه‌بیلیر ، صوفیه‌نک جمله‌سی بوعلمک فرقه‌ده
دکدر . بو طائفه‌نک بر قسمی غایه‌لری صورت
خیالیه‌ده کوستره‌بیلیمکهده ، مطلوب‌لری بالکرت
خیال‌لرنده یاشانه‌بیلیمکه‌درلر . بونلر ، خیال‌لرینک
کندیلری باغلادینی اشیاء محسوسیه طاقیلوب
قالدیله ، طبقه خیال‌دن یوقاری‌یه یوکسله‌مه‌دیله .
هر نظرده رؤیت خالصه بولونماز ، چونکه بونلرده
حجاب فکری مرتفع اولماز . هراهل خیال‌ده دخی
حقیقت امره موافق بر مشاهده خیالیه بولونماز ،
هر کس علم باللهی عینی واسطه ایله آلاماز]
دیور .

حضرت شیخک شو ایضاحندن فیض آلارق
دییه‌بیلیرزکه : مشاهداتی صرف خیاله استناد
ایتدیره‌رک طبقه خیالیه‌سندن یوکسله‌مه‌ین قسم
متصوفه‌ده (سوفسطائی صوفیه) در ، فقط بونلر ،
هیچ بروقت یونانستانده ظهور ایتش اولان معهود
سوفسطائی‌مدن دکدرلر . بونلردن بر طاقترینک
کندی خیالاتی ایچنده دولاشوب دورمش اولمالری
دولایسیله کشف‌لری ، کندیلرینه منحصر ملاحظات
عندیه‌دندر . بونلرک کشفنه (علم کشف) نامی
ویریه‌مز . چونکه (کشف) ایله (علم کشف)
باشقه باشقه شیلردندر . بونوع متصوفه سوزلری
(جائزات) سبتنه آتارز ، چونکه : نه‌کی احوالک
تأثیری آلتنده بو سوزلری سویله‌مش اولدقلری
بزجه مجهولدر ، شرعه مخالف اولانلرکده ردیه
اکتفا اولونور .

بر طاقیم متصوفه متزندقده ظهور ایتشددرکه :
علم تصوف پرده‌سی آلتنده کیزلنمش (حلولیه)
و (استحالیه) اربابی اولمالری دولایسیله بونلری ،
دائرة اسلامیتدن خارج طوتمقلغمز ایجاب ایدر .

ودها ایلری کیده رک دیورم که : فلسفه ، بزم بیک
سنه اول بر اقدیمز نقطه ده دورمش ، فلاسفه
بحر عظیم معرفت کنارنده عصر لرجه ، بر طاقیم چاقیل
طاشلری طوپلامقه مشغول قالمشدر .

محی الدین عربی دیور که :

[اشیا ایله عین اشیا آراسنده مادی ومعنوی
بر طاقیم پرده لر واردر . نوری بیله حقیقی وجهله
کورمکه اونده کی تشعشعات مانع اولیور ، حقیقته
ممکن دکل یوز یوزه کله میورز . فقط بوتون بو
موافقه رغماً بو پرده لر آرقه سنده علی الدوام انتشار
ایدن بر نور ساطع ، بزه حقیقی بر موجودیت
بولندیغنی کوستروب طور ویور ، خلقه تعقینه
مجبور اولدیغمز یوللری بو نور ، تنور وارائه دن
بر آن خالی قالمیور . طریق حیاته ده بعض شیلر
کورویورز که : اول اونلری کورمه مشدک . بعضی
ایشلر یاپیورز که : اول او ایشلری یاپه میوردق .
بو شیلری کوره کوره ، بو ایشلری یاپه یاپه
بولندیغمز نقطه یه کلدک حیققدق . ینه بو یوللرده
یورویه یورویه جیقوب کیده جکر . مع مافیہ طالده
کوره مدیکمز شیلر ، ایشیده مدیکمز سسلر ،
کوره مه یه جکمز ایشلرده واردر]

شیخک بو سوزلرندن هیچ ده حکم عقلی ابطال
معناسی جیقار یلاماز ، علمی احوال نتیجه سی
استخراج اولوناماز . بو کون غرب فیلسوفلرینک
اکثریت قاهره سی ده بو فکرده در . بونلرده
سوفسطائی می دیه جکمز ؟ ...

حضرت شیخ دیگر بر محله ده :

[نفس الامرک اقتضاسنه کوره علممزک مراتب
ودرجاتی تخلف ایدر . بونک بر قسمی حواسمزدن
کلیور . حیواناتک صنوف مختلفه سنده دخی موجود
اولان بو حسلر ، اونلرده علم دنیله جک بر شکله
افراغ ایدیله مه دیکی حالده انسانده بوقوت مکمل

موجوددر . علوم عقلیه طریق ادله دن کلن
استنتاجات ذهنیه دن تشکل ایتشددر . معلومات
ذهنیه مزک فوقنده بر طاقیم معانی مجرد ده دخی
واردر که : بو نوع معلومات آنجق بر انسان کاملک
قلبنده دویولاییله جک حقایق سریه دندر . بونلردن
بعضلری محسوساتدن مناسب بوله دیغمز شیلره
تشبیهاً تخیل ایده بیلیرز . بو تخیلک موقعته (حضرت
خیال) دیورز . تشبیهاً مجرای محسوساته
صوقاییدیکمز بعض حقیقلر اولدینی کی ، اصلا طبیعت
عنصریه مزه یاقلاشدیر امدیغمز حقیقلرده واردر که :
بونلری دخی علی طریق التشریع تلقی ایده بیلیرز .
واجب تعالی ، سعادت ایسته دیکی انسانلره مجرای
محسوساته خطاب ایده جک بر پیغمبر کونده ریر ،
بو پیغمبر واسطه سیله ارشادی مطلوب اولان قومه
قابلیته کوره خطاب ایتدیریر . شرایع منزله ده
کورولن تفاوت ایسه ، خلقک اختلافات قابلیتندن
متولد بر ضرورت یاییه نتیجه سیدر . تفاوت عقول ،
طالده بر عزیز و علیمک وجودی تصدیقه بزی
مجبور ایدن بر حکمه استناد ایدر . تفاوت عقول
ایله ، عقل غریزیه کی فرقلری مراد ایدیورم .
عقل غریزی ، نشئت طبیعیه نک اقتضا ایتدیکی عقل
دیمکدر . هر علم بر نوردر . فقط هر نور ایله هر
حقیقت کورونه مز . بوجهته انسان همتنک چوغنی
علوم شریفه تحصیلنه صرف ایتمه لیدر . علوم مذکوره نک
اک یوکسک مرتبه سی علم بالله در . الهی بیلمه یین
هیچ بر شی بیلیمور دیمکدر .

علم بالله ، تجلی به استناد ایدن بر علم اتصافدر ،
تعلیمه محتاج اولان علم نظر ، بو علمک دوشنده
قالیر] .

یکی دنیانک دخی کال اهمیتله مشغول اولدینی
بو مسئله ، آدم عقلی انسانلرک دکل ، علم ایله
شویله بویله مناسبی اولانلرک بیله اعترافه مجبور

دقیقه ۲۶ ده در . یعنی بو آنلرده ، شمس ظاهر آ
بر نصف کرده دن دیگرینه کچر . بو نقطه لره « اعتدالین
نقطه لری » دهنیلیر . اولکیسی اعتدال ربیعی ،
دیگری اعتدال خریفی نامیه مسادر .

ارض ، محرك سنویسنی اکمال ایتدیکی مدتیجه
قطبلرندن کچدیکی فرض اولنان محور خطی ، بعد
مجرده کوره وضعیتنی هیچ ده کیشدیرمز . یاخود
پک اوزون سنه لر ایچون ثابت قالیر . ایشته
بو محورك ظاهر آ کره سهای ده لوب کچدیکی نقطه لره ،
« قطب شمالی » سماوی ، و « قطب جنوبی » سماوی ،
ده نیر .

قطب شمالی سماوی ده الیوم (ده میر قازیق)
تعبیر ایدیلن قطب ییلدیزی واردر . فقط مارالذکر
محور خطی بکرمی آلتی بیك سنه ده ؛ قطری ۴۷
درجه اولان بردا اثره رسم ایتدیکندن مرور زمانله
قطب نقطه سی ده کیشه جکدر . حساب ایدیشدرکه
زمانمزدن ۱۲۵۰۰ سنه صکره ، شلیاق برجنگ
نسرالواقع = و عا ییلدیزی قطبلرمرز استقامتمنده
بولنه رق ارض صاغ قالدینی تقدیرده اوزه رنده کی
ابنای بشره رهبرلک ایده جکدر .

کره مز ، کندی حرکت محوری سنی ۲۴ ساعته ده
اکمال ایدر . شو حالده خط استوا طرفلرند ۱۲
ساعت کوندوز و ۱۲ ساعت کیجه دوام ایدر .
فقط قطبلره طوغرو چیقیلدجه لیل ونهار مدتلی
آراسنده فرقلر باشلار ۶۶ درجه ۳۳ دقیقه ده
یا تماماً کیجه و یاخود تماماً کوندوز حصوله کلیر .
قطبلرده ایسه بالمتابو آلتی آی کیجه ، آلتی آی
کوندوزدر . مع مافیة ارتفاع هوادن طولانی محدث
ایدن فجر ، شفق وانکساردن کیجه مدتلی براز
آزالیر .

کره مزك هوا سی تقریباً یوز کیلو متره یه بالغ
اولور . بونی ایلک دفعه اولچنلر اسلام حکماسی

اولدقلری بر حقیقت مستمدر ، اسکندریه
فلسفه سندن بحثه مع الاسف بو مقاله ده صیرا
کلمه دی .

دارداغان زاده

احمد نظیف

منظومه شمسیه

۵

ارض

کره مز ، آرز چوق هر کسه معلوم در . بناء
علیه تفصیلاتمز آرز دوم ایده جکدر . قطبلرینک
هر جهتی براز باصیق اولمق اوزره نصف قطر
وسطی « ۱۲۷۴۲ » کیلو متره در . سطحنگ
تقریباً درنده اوچی ده کیزلرله محاطدرکه ربع مسکون
سوزی ده بوندن طولانی سولنمشدر .

شمس مسافه وسطی سی ۱۴۹ میلیون کیلو
متره در . ایشته بو طول ، نصف قطر اولمق اوزره
شمسزك اطرافنده ۳۶۵ کون ، ۵ ساعت ، ۴۸
دقیقه ، ۴۷ ثانیه ده دژیه قریب بر قطع ناقص
رسم ایدرکه محرك سنویسندن باشقه برشی دکدر .
بو محرك اوزه رنده کی سرعتی ثانیه ده وسطی ۲۹،۵
کیلو متره در . مع مافیة بو سرعت اوج نقطه سنده
براز آزالیر و حضیض نقطه سنده براز جوغالیر .
هر ایکی نقطه یه عائد مسافه لره کی فرق ۶،۱۰۰،۰۰۰
کیلو متره در .

ارضك بر سنه ظرفنده رسم ایلدیکی محرکه
(دائرة خسوف) ده دهنیلیر . کره مز بونی رسم ایدرکن ،
قطبلرندن کچن محوری دائرة خسوفه ۲۳ درجه
۲۷ دقیقه میلی بولوندورورکه بوندن طولانی
اوزه رنده مواسم اربعه ظهور ایدر وسنده ایکی
دفعه تساوی لیل ونهار حادثه سی میدانه کلیر .

برسی : ۲۰ مارت آقشام ساعت ۹ ، دقیقه
۵۵ ده ، دیگری ده : ۲۲ ایلول صباح ساعت ۸ ،